

09.03 MARELLA

«Cun ina mancanza d'intelligenza n'ha quai da far nagut!»

In'emissiun davart la «flaivlezza da leger e scri-ver» (pli baud nummada legastenia ubain dislexia).



Ch'i saja en nossa vita professiunala u privata; senza savair leger e scriver n'è noss mintgadi strusch da s'imaginar. Ma co èsi, sch'ins ha miserias cun quai? Cun tge stigma vegn ins chargià, sch'ins na sa betg scriver in e-mail senza sbagls? Èsi pussaivel da far in studi, sch'ils bustabs davant ins n'èn nagut auter ch'in caos? Tge influenza po ina «flaivlezza da leger e scriver» avoir sin ina carriera? Enfin 8% da la populaziun vivan cun ina «flaivlezza da leger e scriver». Tar furmas deblas sa laschi viver bain cun ina tala, ma en cas pli gravants po quai franar ina carriera da scola ed er esser ina paisa psicologica. En la «Marella» raquintan duas dunnas pertutgadas da lur percurs e da quai ch'ha la finala gidà ellas. Plinavant explitgescha ina pedagoga curativa da las midadas dals ultims onns e tge che la scola populara porscha ozendi ad uffants pertutgads.

Redacziun: Astrid Alexandre